



« 28 » февраль 2020 йил

Қоракўл тумани

№ 198

**Туман ҳудудидаги юридик ва жисмоний шахсларга тегишли
автомототранспорт воситалари ва уларнинг тиркамаларини мажбурий
техник кўриқдан ўтказиш тўғрисида**

Ўзбекистон Республикасининг «Йўл ҳаракати хавфсизлиги тўғрисида»ги Қонуни (Ўзбекистон Республикаси қонун ҳужжатлари тўплами, 2013й., 15-сон, 197-модда) ҳамда Ўзбекистон Республикаси Вазирлар Маҳкамасининг 2003 йил 31 январдаги 54-сонли «Транспорт воситаларини мажбурий техник кўриқдан ўтказиш тартиби тўғрисидаги Низомни тасдиқлаш ҳақида»ги қарорига (Ўзбекистон Республикаси қонун ҳужжатлари тўплами, 2003 й., 1-2-сон, 17-модда) мувофиқ туманда йўл ҳаракати хавфсизлигини таъминлаш мақсадида

ҚАРОР КИЛАМАН:

1. Туман ички ишлар бўлими (Ж.Расулов) белгиланган тартибда ДИХХХ органларида рўйхатдан ўтказилган юридик ва жисмоний шахсларнинг транспорт воситаларини мажбурий техник кўриқдан ўтказиш ишларини ташкиллаштиради.

2. Ўзбекистон Республикаси Вазирлар Маҳкамасининг 2017 йил 22 декабрдаги 1010-сонли қарорига мувофиқ 2020 йил 1 январдан бошлаб транспорт воситаларини мажбурий техник кўриқдан ўтказишда жисмоний шахсларга тегишли енгил автотранспорт воситаларининг техник ҳолати тадбиркорлик субъектлари-юридик шахслар томонидан ҳам текширилиши мумкинлиги белгиланганлиги инобатга олинсин.

3. Транспорт воситалари қуйидаги даврийликка мувофиқ техник кўриқдан ўтказилиши инобатга олинсин:

а) тижорат асосида йўловчилар ташиш учун фойдаланиладиган енгил автомобиллар, автобуслар ва ўтириладиган жойлар сони 8 та ва ундан ортиқ бўлган (хайдовчининг ўрнидан ташқари), одамларни мунтазам ташиш учун махсус транспорт воситалари ва уларга тиркамалар -бир йилда икки марта;

б) ишлаб чиқарилганига беш йилдан кўп бўлмаган (ишлаб чиқарилган йили ҳам шу жумлага киради) транспорт воситалари (мазкур банднинг «а» кичик бандида кўрсатилган транспорт воситаларидан ташқари) –икки йилда бир марта;

в) ишлаб чиқарилган йилини ҳисобга олган ҳолда ишлаб чиқарилганлигига беш йилдан ортиқ бўлган транспорт воситалари, шунингдек, ишлаб чиқарилган вақти аниқланмаган транспорт воситалари (мазкур банднинг «а» кичик бандида кўрсатилган транспорт воситаларидан ташқари) –бир йилда бир марта;

г) тиркамалар кўриқка транспорт воситаси – шатакчи учун белгиланган муддатларда;

д) навбатдаги техник кўриқдан ўтказишнинг илгари ўрнатилган муддатларидан қатъий назар, уларни ДЙХХХ органларида рўйхатдан ўтказиш (қайта рўйхатдан ўтказиш) вақтида;

е) улар ишлаб чиқарилган йилдан қатъий назар, ДЙХХХ органларида рўйхатдан ўтказилган (қайта рўйхатдан ўтказилган) кундан бошлаб бир йил ўтгач (мазкур банднинг "а" кичик бандида кўрсатилган ҳолатлар бундан мустасно).

4. Мазкур қарорнинг 2-банди «а» кичик бандида кўрсатилган транспорт воситаларининг техник кўриги:

биринчи марта – 1 мартдан 30 июнгача;

иккинчи марта – 1 сентябрдан 31 октябргача ўтказилсин.

Юридик шахсларга қарашли бўлган транспорт воситаларининг техник кўриги 1 мартдан 30 июнгача;

Жисмоний шахсларга қарашли бўлган транспорт воситаларининг техник кўриги 1 январдан 31 августгача ўтказилсин.

5. Транспорт воситалари ДЙХХХ органлари томонидан техник кўриқдан ўтказилганлиги учун Ўзбекистон Республикаси Ички ишлар вазирлиги томонидан Молия вазирлиги билан келишилган ҳолда тасдиқланадиган миқдорларда йиғим ундирилади.

Техник кўриқдан ўтказилганлиги учун йиғим суммаси тегишли маҳаллий бюджетга ўтказилсин.

6. Техник кўриқни ўтказиш жадвали 1-иловага;

техник кўриқни ўтказиш бўйича комиссия таркиби 2-иловага мувофиқ тасдиқлансин.

7. Техник кўриқни ўтказиш бўйича комиссия раиси (Ж.Тошпўлотов)га:

юридик шахсга техник кўриқ ўтказиладиган муддатлар тўғрисидаги билдиришнома юбориш;

техник кўриқ ташкилотларда, диагностика станцияларида ва техник хизмати кўрсатиш станцияларида иш вақтида, техник назорат постларида иш кунларининг кундузги ва тунги вақтларида ёки ҳафтанинг дам олиш кунларидан бирида ўтказиш;

техник кўриқдан ўтказишда техник жиҳатдан носоз деб топилган транспорт воситасининг, шунингдек техник ҳолати белгиланган талабларга жавоб бермайдиган ёки тегишли рухсатномасиз қайта жиҳозланган транспорт воситаларининг камчиликлари ва носозликларни бартараф этиш бўйича белгиланган тартибда тегишли чораларни кўриш вазифалари юклатилсин.

8. Мазкур қарор «Қорақўл садоси» рўзномасида эълон қилинсин ҳамда расмий веб-сайтига жойлаштирилсин.

9. Ушбу қарор расмий эълон қилинган кундан эътиборан кучга киради.

10. Қарорнинг бажарилишини назорат қилиш туман ҳокимининг ўринбосари Б.Жумаев зиммасига юклатилсин.

Туман ҳокимининг биринчи ўринбосари:

Б.Ғайбуллаев



Туман ҳокимининг
2020 йил 28 февраль кундаги
198 сонли қарорига
илова



Техник кўрикни ўтказиш бўйича комиссия

ТАРКИБИ

Ж.Тошпўлотов

Қорақўл туман ИИБ ЙХХГ катта инспектори,
комиссияси раиси

Комиссия аъзолари:

А.Бойназаров

Қорақўл туман Агроинспекцияси инспектори

Н.Очилов

Қорақўл туман “Маҳалла” хайрия жамоат фонди раиси

И.Исмоилов

“Авто Синов Газ сервис” МЧЖ техник кўриқдан ўтказиш
Диагностика маркази бошлиғи

Ж.Ахмедов

тумандаги Ватанпарвар ўқув спорт техника клуби
бошлиғи

А.Маматқулов

Қорақўл туман Мудофаа ишлари бўйича бўлим бошлиғи

Т.Ҳайдаров

Қорақўл ТЙФУК ҳаракат хавфсизлиги муҳандиси

Туман ҳокимлиги
бош мутахассиси:-

Ф.Қиличов